

Hiru ikastola bat eginik

Herri Ametsa Ikastola 1975-76 ikasturtean sortu zen, hiru ikastolak bat egin ondoren. Herrera Herri Ametsak (1966), Intxaurrendoko Gure Nahiak (1968) eta Altzako Ikastolak (1971) bat egite erabaki zuten baimen, kartila eta subentzioetarako indar gehiago edukitzeko asmoz. Gerora, 1980 urtean, Intxaurrendoko Gure Nahiak ikastolak bere aldetik segitzea erabaki zuen.

Hiruren artean Herrerakoa da ikastolik zaharrena. Inguruko herrietan ikastolak sortzen ari zirela ikusirik, 1966 urtean Arantxa Aizpurua, Jesus Esnal eta Joaquin Rodriguez auzotarrak bildu ziren gai honetaz hitz egiteko. Lehen eztabaiden ostean, Herrera hainbat laguni bilera zabal baterako deia egitea erabaki zuten hiru lagunek. Bilera 1966ko San Joan egunaren bezperetan, ekainaren 16an, egin zen. Bertan bildutako 25 lagunek zera erabaki zuten: hurrengo ikasturtean Herrera ikastola martxan jartzea. Horretarako batzorde bitartekoa sortu zuten.

Pentsatu eta egin. 1966-67 ikasturtean martxan jarri zen Herrera Ikastola Maritxu Arribabalaga eta Agurtzane Mujika —biak auzokoak— irakasleen eskutik. Gainontzeko ikastolek bezala, egoitzarena izan zuten arazo Herrera euskaltzaleek. Batera eta bestera ibili ostean, Mendiñaleak elkarrearen egoitzan hasi zuten ikasturtea. Hogeita bost ikasleekin hasi zen ikastola honek segituan topatu zituen lehen arazoak: urriaren 14an ikuskaria agertu zen ikastolan. Hurrengo ikasturterako egoitza aldatuko zutela esanez gauditu zuten lehen oztopo hori.

Egun Altza Donostiako auzo erdaldunen artean da. 70eko hamarkadaren hasieran egoera antzekoa zen. Hala ere, hori ez zen oztopo izan gazte koadrila bat elkartu eta Altzako ikastola sortzeko lehen urratsak emateko. 1971 urteko udazkenean ireki

zuten Altzako ikastola. Manoli Larrea eta Kristina Astigarraga izan ziren lehen irakasleak.

Hiru ikastolek beren aldetik egin zituzten lehen urteak. Zailtasunak hirukoiztu egiten ziren era horretan. Kartilak eta diru laguntzak lortzeko arazoak oso handiak ziren. Horrela 1974ko urrian Altza, Herrera eta Intxaurrendoko ikastolen arteko koordinakundea sortu zen. 1975ean egindako biltzar nagusian lizeo berria bultzatzea onartu zuten hiru ikastoletako kideek, eta horretarako Herri Ametsa Elkarte Anonimoa sortu zuten.

Apurka-apurka ametsak betetzen hasi ziren. 1977an egun ikastola dagoen Mendiñolako lursaila erosi zuten, eta 1979-80 ikasturtean ireki zuten Mendiñolako Ikastetxe berria OHoko ikasleekin. 1984-85 urtea arte ezin izan zuten ikasle guztiek (eskolaurrekoak eta OHokoak) elkarrekin Mendiñolan ikasi. Hori baino lehen, 1980 urtean, Intxaurrendoko ikastolak bere kabuz aurrera egitea erabaki zuen arestian esan bezala. Egun Mendiñolako lurretan dago Herri Ametsa ikastola, gaur laugarren area izango dena.

■ Ula mendian diren bi ikastola hauek Euskal Herriko gainontzekoen pareko urteak bizi zituzten 60ko hamarkada bukaeran. Zurriolak Ramon Maria Lili kaleko lokal txikian eman zituen lehen pausoak, eta Herri Ametsak berriz Intxaurrendoko, Herrera eta Altzako ikastolak ditu aitzindari. Egun bigarren hezkuntzari aurre egin nahi diote bi ikastolek. Duela 25 urte pentsaezina zena apurka-apurka egia bihurtzen ari da. ■

Ramon Maria Lili kalean

Zurriola ikastola 1968-69 ikasturtean jarri zen martxan hiru andereño eta 60 haurrekin, Ramon Maria Liliko lokaletan. 'Escuela Parroquial San Ignacio' izenarekin martxan jarri zen ikastola honetan Kontxita Beitia, Mari Tere Elola eta Maite Garagorri izan ziren lehen irakasleak.

Kontxita Beitia aurretik emanak zituen urrats ugari irakaskuntzan. Pasaitarrak Elbiria Zipitria andereñoaren agindutara ikasi zituen maistra lanak. Pasaian lehenik eta ezkondu ostean Donostiako etxean hasi zituen irakaskuntza lanak Beitia.

1967. urtearen inguruan, etxebizitzako ikastola utzi eta ikastola handi bat egiteko garaia zela esan zien inguruko Beitia andereñoak. Honela ideia bera buruan zebilen Iñaki Alkainekin egin zuen topo eta Zurriola ikastolaren proiektua martxan jarri zuten. Buruan zuten ideia ingurukoekin komentatu eta aurrera egin zuten Beitia eta Alkainek.

1968. urtean Zurriola elkarte kulturala sortu zen, Sociedad Cultural Zurriola izenarekin. Elkarte horren helburua Gros auzoan ikastola bat irekitzea zen, baina horren titularitatea esku-

ratzeko aukerarik ez zuen talde honek. Ondorioz, garai hartan ohi zen legez, jesuiten babesean 'Escuela Parroquial San Ignacio' sortu zen 1968-69 ikasturtean, arestian esan bezala.

Ramon Maria Liliko lokala txiki geratu zen hiru urtetan. 70eko hamarkadaren hasieran, jadanik ikastolak legeztaturik zeudela, lokal berriaren bila hasi ziren Zurriolakoak. 1971-72 ikasturtean Ategorrietako Villa Sacramentoko lokal bat alokatu zieten mojei. Han OHoko lehen zikloa betetzen zuten Zurriolako haurrek, eta ondoren Barandiaran Lizeora joaten ziren bigarren zikloa osatzera. Ondorengo urteetan bigarren zikloa ere ikastolan bertan ezartzea erabaki zuten.

1980ko irailean Zurriola Kultur Elkarte Kooperatiba bilakatu zen, 280 kooperatibistarekin. Urte berean egun ikastola kokatuta dagoen Urrako lurrak erosi zituen ikastola eraikitzeko. Egun hantxe dago Zurriola ikastola, eta 16 urte bitarteko derrigorrezko hezkuntzari aurre egiteko prestatzen ari da.

Eskola Publikoaren Legeak ahalbidetzen zuen eskola publikoan ez sartzeko erabaki zuen ikastola honek 800 ikasle inguru ditu egun, 50 irakasle eta 70 langile inguru. Arestian esan bezala hamasei urte bitarteko irakaskuntza ezartzea da Zurriola ikastolaren helburua. Horretarako hainbat proiektu dituzte esku artean ikastolako arduradunek. Guzti horiek martxan jartzeko, gaur Uliak ospatuko den Kilometroak festan aterako duten dirua ezinbesteko bitarteko bihurtu da.



Belaunaldi asko pasatu dira Herri Ametsa eta Zurriola ikastoletatik.

ERREKA

Jai alaiak opa dizkizuegu !!

Sekundino Esnaola

28 28 19

DONOSTIA

LEGAZPI 6
euskaltegia

*euskaraz
trebatzen*

Lasala Enparantza, 3

Tel.: 424366 DONOSTIA

HARATEGIA JANARIAK

EROSLE NAGOI

Sukia kalea, 1
Tel.: 21 21 07 - 21 73 54

DONOSTIA

Ileapaintzaile Akademiak

BETA & BELSAY

- ❖ Eusko Jaurilaritzak homologatutako ikastaroak
- ❖ Ordutegia goizez eta arratsalde
- ❖ Hobekuntza ikastaroak eta saloian erabilgarriak diren estetika kurtsoak (makilaia, manikura, etab.)

BETA Segundo Izpizua, 37 (Gros Berria). DONOSTIA. 283601 tel.
BELSAY San Frantzisko Ibilbidea, 39. TOLOSA. 654361 tel.